


石倉十二代詩選

漢書門		三七四	函	架	冊
類		五	七	〇	二

內閣文庫		漢書	三七四	函	架
類		五	四	一	三

內閣文庫		漢	3745
冊數	142	(82)
函號	319		25

明詩十二



夏臺王先生詩序略

淺草文庫

先生生于元季不仕隱居中條山國初應辟
召爲周府長史王素驕貴且有他萌先生數諫
見拒度不可爲卽佯狂斷指而去及事敗藩屬
皆就理先生竟無所坐用大臣薦徵爲翰林院
編脩仍黜廣東廉州教授值夷獠亂將臣失守
城陷先生抗節不屈死之先生著有敝帚集梁
園寓槁山林樵唱此其一斑云正德丁丑季冬
閏月韓邦奇序

東嶽
東嶽
東嶽
東嶽
東嶽
東嶽
東嶽
東嶽
東嶽
東嶽

東嶽
東嶽
東嶽
東嶽
東嶽
東嶽
東嶽
東嶽
東嶽
東嶽

東嶽
東嶽
東嶽
東嶽
東嶽
東嶽
東嶽
東嶽
東嶽
東嶽

石倉十二代詩選

明詩卷之十

梁園寓稿

大明

夏縣王 翰著

後學曹學佺閱

言懷呈董仲綸訓導

南山有佳樹。衆鳥寒相依。佳樹何團圓。歲暮心
不移。高枝聊可嬉。低枝安我棲。有巢不能庇。敢
望故林飛。古劍光射斗。陸沈還不朽。欲淬使之
利。持此恐傷手。不若兩錢錐。反以得取售。向市
空抱歸。令人顏甚厚。蚺螭涎自濡。蛟龍嘘成雲。

蝮螭以自足蛟龍或可馴大小各逍遙鵬鷃何足論方崔秋氣高天宇何蕭騷主人有西成客子免焦勞道途何縱橫使我顏色消世故多紛紜萬事徒怳怳一笑欲拂衣青山頗見招

雪晴齋居

停午陰風生向夜星彩沒入杯湯已冰挾纒肌欲粟始見微霰零俄驚素花歇皓色射窗楮輕聲碎軒竹雅琴無秦箏佳茗勝醞醖愛此清夜吟共剪西窗燭

鑄鏡行

妾念嫁時新鑄鏡鑄成團團秋月色從夫從軍藏入匣鏡面已昏妾面隔紅顏落爲霜葉枯綠髮已隨秋草白妾顏雖收心不轉手携團鏡情脉脉昨日書來在桑乾新衣未寄舊衣單秋風入戶吹羅幌妾身未衣念郎寒何時降王來欸塞罷負長戈卸征鎧歸來對鏡試春衫團鏡重磨妾掃黛

題上清張真人畫陰厓長嘯圖

歷代詩選 明正甲 卷之十
穹厓壁立三千尺萬挺蒼官金厓立半空垂瀑
似飛龍怪石秋陰護苔色水邊鵠立是神仙意
欲飛空凌紫煙白雲不隔華陽洞綠波遠入桃
花源羽衣翩翩無覓處萬壑千巖鎖煙霧龍吟
虎噉下青冥天風振落三花樹上清宮中仙子
家興來繞筆飛煙霞蘇門一笑聞千古但恨不
得隨仙槎

城南行

城南陌上東西路戴勝飛來桑葉綠綠桑枝低

挂羅裘佳人採桑春日曛陌頭騎馬年少客新
着春衫面暫白翠鞭時拍馬韉吟吟高調恁驚
春心女郎遙隔桑隴聽無由一笑開春襟低眉
躑躅立多時回頭轉盼情亦深妾爲盧郎婦君
有秋胡金妾以節奉夫君以金奉母好置美酒
壽高堂君槌鼓兮妾萬舞援箏莫彈陌上桑箏
聲哀鳴兩心苦

棠梨墓歌

棠梨花白春似雪棠梨葉赤秋如血春來秋去

棠梨枝長夜漫漫幾時微
明月照青鏡香霧鬢
翠鬟草寒虫噴噴
花落鶯關關青燈耿玄閱黃
土埋紅顏楊柳樓頭紅粉歌
舞罷春風歛翠娥
莫厭樽前金叵羅君看岡頭
宰堵坡

龍江別意

送客都門道旗亭酒一樽
雨餘芳草合風定落花繁
曉樹連雲暗春江帶雨渾
明朝定相憶遙望一銷魂

初冬

值此春風候頑雲凍不銷
風威連夜動雪意挾
寒驕官冷裝寒薄川回得信遙
山中多故舊何用作書招

題山居幽趣圖

幽人愛岑寂林下築幽居
觸石雲生谷通泉溜
決渠鶴眠春院靜猿去晚林
踈時有採芝客商歌振碧虛

山居幽趣斷前詩句成

買得青山好林居事事清
晚窗分竹色夜枕落

泉聲露滴琴書潤。雲隨杖几生。未能脫簪笏。猿
鳥漫忘情。

過湖口縣

澄江東去急。南槩入湖深。林密藏秋雨。山高倒
夕陰。麗譙臨小縣。沸閣出遙岑。當趁風濤便。無
由得賞心。

過九江府

早發潯陽岨。秋風鴻雁高。谷容通窈窕。江色變
蒲葑。堅壁雄千雉。危檣艤萬舵。琵琶亭下水。猶

似響檀槽。

題賈原善典寶寒潭漁隱圖

君家舊在寒潭住。故寫新圖寄幽趣。木落秋山
潭水空。猶把長竿倚溪樹。角巾野服身翩翩。髣
髴當年孟浩然。

次韻袁眉山

霧作衣裳雲作屏。玻璃萬頃着娉婷。望夫石上
偏多雨。織女河邊欲隕星。蟬螭夏涼收淺絳。蟾
蜍秋冷抹長青。可憐天際微顰處。六國興亡一

夢醒

和黃體方伴讀新蟬韻

滿地殘花過雨天。槐陰庭院響新蟬。輕敲金奏
當窗外。閒撥銀箏向枕邊。曉露吸殘青草。岫晚
風吹出綠楊煙。家山深處林亭好。曾被繁聲聒
醉眠。

秋信

寒來消息是誰傳。金井梧桐一葉先。殘暑已消
團扇底。新涼纔到短檠前。問愁多在蛩聲裏。寄

遠常從雁影邊。流浪浮生渾不覺。知機林外有
鳴蟬。

送成紀善省親關中

端門賜告得馳歸。雪霽沙溝淨不泥。寒度雁聲
天遠近。早行林影月高低。河源出塞金繩直。嶽
色連雲翠蓋齊。戲綵高堂稱壽畢。歸期先報鄭
門西。

和王道錄韻其人嘗任茅山

兩首新詩墨色濃。飄然逸氣有仙風。藜床清夢

歷代詩選 明玉耶 六
飛爲蝶竹杖通靈化作龍商皓芝田雲更白葛
公丹井水無紅他年勾曲尋真去會向雲邊問
小童

雪禁體物

彤雲垂地四茫茫微霰初零集下堂重壓竹梢
還欲折密封梅蘂不禁香氣凌杯酒渾無力凍
澀琴弦也不張擬學歐公吟白戰挑燈癡坐惱
詩腸

和黃體方伴讀雪中執事

凜凜陰風捲暮霞朝看庭樹總開花漁舟一葉
迷煙渚獵騎千羣踏晚沙淡抹墻腰疑月色旋
添池面結冰華乾坤萬象俱清絕何用柴桑五
柳家

和劉菊庄劉先生韻

中條西畔築高亭夜讀林臯燭散星雨足小園
催種藥雪埋孤硯爲窮經踈梅得月連窗白芳
草和煙滿徑青擬和小山招隱句他時把酒共
君聽

春雪

一冬天氣喜溫溫，留作春寒故惱人。
 密灑紙窗疑是雨，旋鋪芳徑不生塵。
 舞同柳絮能爭巧，飛入梅花竟亂真。
 賦罷兔園看霽景，梁臺草色一番新。

送通許張知縣考滿

繁臺草綠河流澌，正是郎官考績期。
 昔向斗牛占劍氣，今騎齋馬勸農時。
 雨餘梁苑花如錦，風暖隋隄柳拂絲。
 比到神京春正好，蓬萊宮殿碧

參差

送河南王府判考績

三年佐治任東周，又及南轅報政秋。
 千里暮雲迷汴水，一瓊疎雨別嵩丘。
 鳳臺曉上留新句，虎監春行訪舊游。
 料得歸期在初夏，杖藜携酒待仙舟。

雪夜聯詩句圖

徐旭楊景率黃體方

三子清標骨已仙，要將大雅繼唐賢。
 詩吟柳絮春風外，人在梅花夜月邊。
 光奪蘭膏微有暈，氣

歷代詩選 卷之十
凌茶竈濕無煙。想應一榻團欒處。絕勝山陰訪
戴船。

陵陽春曉圖

為審理賦

陵陽山下林亭好。更有高人爲卜隣。幾箇脩篁
鳴翠雨。一溪流水隔紅塵。靈龍過澗能迎客。幽
鳥到窗如喚人。少住梁園驚歲月。春來頓覺夢
歸頻。

舟中望廬山

宮亭風靜鏡光平。回望匡廬翠靄凝。寶劍插天

霜雨立。香爐照日紫煙升。侵雲鳥道還通谷。隔
水僧房祇見燈。擬向中峰看瀑布。生情高岫白
雲興。

送監稅李公考績

幾年携杖看山心。回首離情滿素襟。畫鷁衝開
江水綠。玄猿啼斷越山深。長干沽酒臨風酌。采
石題詩對月吟。復職歸來春欲半。梅開花盡已
成陰。

憶平陸舊遊

金鷄山頂鄧家園乘興來遊坐水邊柿葉染霜
圍錦帳菊花承露散金錢溪頭恠石如人立洞
口蒼苔待我眠何日再同三二友傾壺濁酒送
殘年
雙鶴
愛爾仙姿久出胎如何困滯在塵埃他山松頂
足明月何處水邊無綠苔引頸有時思遠漢戀
恩終日立空銜自今便好仙山去莫爲羣鷄生
怒猜

秋懷

秋窗昨夜秋風起百感心成一寸灰千里雁來
書未至五更虫語夢初回地連洛汭浮雲斷山
接滎陽夕照開何日黃河航一葦中條山頂望
青臺

鬪鷄亭秋望

扶筇獨上鬪鷄亭俯瞰平郊望眼明路入洧川
寒曉斷山連新鄭暮雲橫煙生茅屋人家少風
起沙岡雁陣驚况是老年多抱疾豈堪登眺重

傷情

銀漢昭回勢欲流

瑤臺露下冷光浮

輕風捲雨作佳夕

皓彩射空生素秋

老子據牀多逸興

娥依檻不生愁

此宵常被陰霾悞

來歲高堂得賞不

自涉至黎城山行即事

涉城城下渡衡漳

一道青林百里長

雲表連峰馳健馬

途中亂石卧羣羊

溪頭雨過莓苔滑

谷口風來藥草香

鞍馬倦人聊少憇

山蟬無數噪斜陽

久雨述懷

秋來連日雨泔泔

入夜閒愁苦不禁

冉冉綠苔沿砌長

蕭蕭黃葉擁門深

匡時踈拙無奇策

憂國衰殘負此心

長夜不眠空倚枕

挑燈時復一長吟

涼水

一派靈源滾滾來

風搖錦浪听花開

橋分野色

歷代詩選 明詩卷之十終
行人去雨沒沙痕釣客回秋淨霜澄明似鍊春
深煙染碧如苔善君自有朝宗志莫怪磯頭鷗
鷺猜

昭君怨

回首長門淚暗流
瓊城春似漢宮秋
琵琶閒撥
勸胡酒胡正歡時妾正愁

南陌詞

南陌東邊楊柳枝
長條拂水綠參差
行人不似
枝頭絮也有無風到地時
明詩卷之十終

孫西菴先生集序

西菴集者翰林典籍孫先生仲衍所著先生嘗
讀書羅浮洞之西菴因以名其集云公生元季
避亂山澤間東筦何真保有南海

洪武改元征南將軍廖永忠至黃說真作書請
歸永忠不戮一人而南海帖然黃之力也徵入
爲翰林三載求補主簿平原旋被召改蘇州府
經歷以事謫戍遼東怡然就道及以黨禍誅臨
刑之日賦詠自若竟不置詞辯識者謂其齊死

于一致云

西菴集序
終

石倉十二代詩選

明詩卷之十一

西菴集

大明

南海孫 蕢著

後學曹學佺閱

行行重行行

岐路一尊酒送君久遠行
交持未及竟絲管激
哀聲冉冉歲華暮悠悠
雲氣征馳車戒往路惻
惻傷我情我情默已傷
歡愛不可忘昔為春花
妍今為秋草芳秋草芳
有時夫君見無期獨宿
坐長夜淚落如縷縻白
日儻回照孤懷君所知

今日良宴會

南園有佳人。窈窕桃李顏。容華一何麗。顧盼生
光妍。進退禮自防。秉德幽且閒。良媒候嘉意。君
子希令言。鴻鴈念儔侶。睢鳩鳴河間。盛年若流
水。隱處獨長嘆。

西北有高樓

華月散高樹。列曜何參差。流光射結綺。思婦慘
中闌。良人涉遠道。感嘆夜何其。清聲發妙曲。宛
轉有餘哀。妙曲固可聽。餘哀知為誰。春至桃李

妍。歲暮華色衰。居然獨處廓。顧影久徘徊。

明月皎夜光

離離谷中樹。燦燦春華芳。枝葉何盛茂。忽然隨
風揚。流光有凋換。物理安可常。擾擾路傍子。哀
歌使我傷。杪秋天氣肅。白露結嚴霜。攬衣不能
寐。起視夜何長。明月出東壁。衆星羅縱橫。歲暮
題鳩鳴。百草青自黃。遠道者誰子。驅車登太行。
太行鬱嵒峩。天路無津梁。興言念同志。涕下沾
我裳。

庭中有奇樹

洞庭木葉下，悲吹激微寒。
美人倚脩竹，疑睇九疑山。
層雲沒遠巘，軒車絕來還。
旣懷文玉佩，復采澧水蘭。
結言欲有贈，天路遠險艱。
沉憂坐將老，歲月銷令顏。

迢迢牽牛星

北風吹雪霰，同雲四垂陰。
惠而能好我，寄以瑤華音。
蟋蟀入床下，晨風飛北林。
川梁限楚越，思子閬傷心。

東城高且長

咸陽九原上，昔日冠蓋場。
秋風動禾黍，曠野浩茫茫。
大化無停留，榮耀安可常。
煙雲迷五柞，榛棘沒長楊。
時運理則然，來者徒自傷。
所以放志意，酣歌稱我觴。
鳴箏縱繁響，緩此幽思長。
回車長樂坂，將去復彷徨。
願爲雲中鴈，寥廓恣高翔。

凜凜歲云暮

江潭十月交，霜露萃郊原。
卉木無留榮，百草日夜乾。
鴻鴈鳴洲渚，猿狖悲空山。
閨人念遠道，撫

月不計選
日孫仲微
三
節涕汎瀾川梁一睽隔寃夢夜不安厚愛君詎
知新恩忘前懽忠誠不見白剖心良獨難望望
千里道無由生羽翰

客從遠方來

妾有錦繡段文采裁爲衾上羅連理枝下織雙
飛禽惜此嫁時物珍之比南金良人隔山海歲
月亦已深願因飛鴻翼寄以表此心

南園

詩社良讌集南園清夜遊條風振絡組華月照

鳴騶高軒敞茂樹飛甍落遠洲移筵對白水列
燭散林鳩雅興殊未央旨酒詠思柔玉華星光
粲錦綵雲氣浮麗景不可虛衆賓起相酬長吟
間劇飲楚舞雜齊謳陵陽杳仙駕韓衆非我儔
聊爲徇時序娛樂忘百憂

道上行

高林翳當道莽莽秋向深回風亂落木驕陽亦
化霖我行泥塗中淒厲入我襟白日晦平陸玄
雲生夕陰歸鳥靜不飛暝猿長哀吟感此時景

邁况將陽月臨。不怨行路難。所嗟歲駸尋。悲鳴
激楚奏。思苦調南音。鍾儀久已死。誰復知此心。
期羅浮蕭鍊師不至

石室松桂秋。涼風滌殘暑。柴門敞空曲。曠夕懷
仙侶。巢笙久不至。鶴馭今何所。朗月流清輝。山
中幾延佇

南園懷李仲倫

幽獨攄雅懷。逍遙步南園。繁卉耀陽德。嘉木秀
春暄。時暘燠土膏。流澌漲通川。荃蘭揚朱英。山
磬炫文軒。垂楊列曲渚。鳴鳥何關關。展席芳醪
陳。開觴羣物妍。顧瞻失儔侶。高情寄所宣。馳思
望遠人。遙在伊洛壘。賢勞事會計。日昃不遑安。
聊復縱長吟。引領希令言。何能此會合。宴樂紓
我虔

寄王給事佐

休沐展幽眺。步出鍾阜阿。卉木益春風。淮水揚
素波。泛泛波上鷗。游沫鮮羽儀。端坐愧此鳥。長
遊成蹉跎。安得理歸楫。翩然解珮珂。揚舲過關

右鼓櫓入江沱友于事讌集物候方陽和酌酒
南園上與君同笑歌

送王給事南還

良時幸一遘嘉運難再逢
流序若飛電倏忽歲
云終羨子瑚璉器林麓隱高蹤
適此徵俊彥奮
起惠家邦觀光克上賓
恩禮赫以降金門拜給
事百辟肅敬恭迴翔忽歛翼
言歸滄海東昔若
雲中鳳今若南飛鴻
出處各有道顯晦詎能同
微君慚苟祿仰首慕清風
文成德亦著節立道

斯崇願言秉夙志
永保貞素躬

秋風詞

秋風嫋嫋天氣晶
寒虫唧唧霜露零
白雲孤飛鴈南征
念君歲闌遠遊行
長年驅馳竟何成
閨閣盼望空乳箆
哀來傷秋百感生
感極涕淚沾衣纓
何人月高彈鳴箏
繁紉惹絲攪離情
銀河橫天湛空明
哀猿寥寥共淒清
微禽安栖夜不驚
夫君胡爲未遑寧

將進酒

青瑤案上離鸞琴。一徽已直千黃金。開樽花下對明月。欲彈一曲還沉吟。沉復吟幾低首。彈商聲勸君酒。雍門風樹春蕭蕭。地下田文骨應朽。
織婦詞
吳中白紵白如霜。春風入衣蘭麝香。二月城南桑葉綠。新蠶初出微於粟。採桑日晏携筐歸。夜半懸燈待蠶熟。繰成素絲經上機。兩日一疋猶苦遲。織成裁衣與郎着。妾寧辛苦教郎樂。家中貧富誰得知。郎無衣着他人嗤。

古鏡詞

貧女池邊得銅鏡。鄰媪歡呼喜相慶。持歸鉛粉三日磨。龍影模糊面猶瑩。機中剪素爲鏡囊。染絲繡作雙鴛鴦。橫看豎照心不厭。借插金釵學上堂。廢銅雖獲惜於寶。無錢買新舊亦好。誰識青樓金鏡開。珍珠綴匣瓊爲臺。

南園歌贈王給事彥舉

昔在越江曲。南園抗風軒。羣英結詩社。盡是琪林仙。南園二月千花明。當門綠柳啼春鶯。羣英

歷代詩選 明孫仙行 七
組絡照江水與予共結滄洲盟滄洲之盟誰最
雄王郎獨有謫仙風狂歌放浪玉壺缺劇飲淋
漓宮錦紅青山落日情未已王郎拂袖花前起
歡呼小玉彈鳴箏醉倚庭梧按宮徵哀絃泠泠
樂未終忽看華月出天東裁詩復作夜遊曲銀
燭飛光白似虹當時意氣凌寰宇湖海詩聲萬
人許酒徒散落黃金空獨臥茅簷夜深雨分飛
幾載遠離羣歸來城市還相親他時重賞舊遊
處蒼煙萬頃波粼粼

廣州歌

廣南富庶天下聞四時風氣長如春長城百雉
白雲裏城下一帶春江水少年行樂隨處佳城
南南畔更繁華朱簾十里映楊柳簾櫳上下開
戶牖閩姬越女顏如花蠻歌野曲聲咿啞崙峩
大船映雲日賈客千家萬家室春風列屋艷神
仙夜月滿江聞管絃良辰吉日天氣好翡翠明
珠照煙島亂鳴鼉鼓競龍舟爭觀金釵鬪百草
遊冶留連望所歸千門燈火爛相輝遊人過處

歷代詩選 明孫休行
錦成陣。公子醉時花滿堤。扶留葉青。蜺灰白。盆
釘檳榔。邀上客。丹荔枇杷。火齊山。素馨茉莉。天
香國。別來風物不堪論。寥落秋花對酒樽。回首
舊遊歌舞地。西風斜日淡黃昏。

羅浮歌寄李長史

亭亭西樵峰。宛在南海湄。日華麗仙掌。影漾金
銀池。我昔扁舟恣長往。凌風浩蕩煙霞想。尋幽
更欲探神奇。復向羅浮事仙賞。仙家三十六洞
天。羅浮夔與滄洲連。卅霞射影四山靜。羣真環

珮來翩翩。藥珠之峰數千丈。君時與我緣蘿上。
水簾直下飛晴虹。萬壑天風度流響。山中劉郎
司玉臺。仙書授我琅函開。心如明月爛虛照。身
與浮雲同去來。此時會合那能再。塵土分飛忽
三載。我行奏賦登金門。君亦乘輶渡淮海。淮海
迢迢煙樹深。相思歲晚結愁心。長風萬里碧雲
遠。何由一寄還山吟。山中洞房春寂寂。山中之
人長嘆息。松花酒熟人不歸。瑤草春風幾回碧。
驪山老妓行補唐天寶遺事。戲効白樂天

作

秋風楊柳凋金縷。冷露芙蓉落芳渚。寒香晚色
何所如。驪山唐姬教坊女。蛾眉淡掃山遠碧。蟬
鬢半拖雲亂吐。時粧無復新妖嬈。曩態猶存舊
嬌嫵。我昨咸陽縱冶遊。冶遊爛熳遍西州。青山
直抵雙龍闕。綠水橫過五鳳樓。南國佳人金錯
落。長安公子玉驕驄。銀壺送酒青絲絡。皓齒當
筵白雲謳。琵琶橫笛空聒耳。唐姬搗箏妙無比。
請彈一曲久含羞。呼喚百迴方強起。移柱相參

鴈成列。調絃未就人先喜。俛首斜拖珠步搖。向
人高露春纖指。樓高韻發響泠泠。急管悲歌一
霎停。初聽乍如風雨至。再彈還作鳳凰鳴。清如
玉女鈞天奏。壯似雕戈出塞聲。澗水帶冰時哽
咽。春雷震石忽憑陵。憑陵未已旋清悄。恍惚漸
凝聲。漸小四座無言俱寂寥。餘音已斷猶縈繞。
溶溶宛宛復悠悠。切切淒淒還窈窕。深閨斷蚓
怨寒宵。淺谷嬌鶯破春曉。纏綿萬恨與千愁。婉
意柔情不肯休。蔡琰胡笳悲紫塞。班姬團扇掩

清秋樓前皓月明如練。天外行雲凝不流。促拍
未終南內曲。新腔忽過小梁州。梁州一摺月向
午。唐姬此時心獨苦。銀甲悲深不忍彈。哀腸斷
盡無由語。低籠翠袖搵香淚。翻使歡娛變淒楚。
訴盡平生富與貧。可憐人世今成古。憶昔開元
正太平。兒家生長在天京。十三學舞曾驚座。十
四搗箏能擅名。玉貌羞花長窈窕。宮腰怯柳更
輕盈。春寒不離鴛鴦枕。日晏方開孔雀屏。五陵
年少秦川客。爭愛兒家好顏色。殢雨尤雲最惱

人。追歡買笑寧論直。聲名每出流輩上。風致獨
覺傍人惜。承恩况得登掖庭。宛轉隨龍侍君側。
海晏河清久息兵。四夷賓貢盡充庭。炎方已見
來丹荔。交趾還聞進雪鸚。耀日香車連紫陌。飛
雲畫棟列朱甍。空濛一片笙歌海。浩蕩三春錦
繡城。驪山山上多樓閣。萬戶千門通碧落。大駕
深居在九重。四時多暇惟行樂。已營連昌勝結
綺。復起芳鳳齊花萼。壺飛玉女遞更籌。舟戲金
龍動鱗角。待臣傳勅選嬌容。特許兒家步輦從。

宮扇影移花雨外。山呼聲沸錦雲中。千株火樹
爭明月。萬炬金蓮闔彩虹。子夜歌詞翻白雪。霓
裳舞隊散旋風。歌停舞歇徘徊久。銀箏獨進織
纖手。明眸麗質一當前。含顰美人俱在後。數聲
清響動絃索。八面涼風開戶牖。艷曲新裁萼綠
華。中官催賜葡萄酒。年年秋月復春花。多在宮
中少在家。嬌笑不愁宮監怒。艷粧長得阿嬈誇。
朝遊複道瞻天表。夜步西廂拜月牙。闌草經春
陪魏國。藏閨竟夕伴昭華。韶光忽逐流年轉。野

鹿啣花上林苑。鐵騎東來鳳闕空。金根西狩蛾
眉遠。上方無復聽宣召。新籍寧辭避差遣。約臂
金環雨雪寬。凌波錦襪風埃蹇。星移物換得無
情。得向驪山情地行。紫禁無人芳草合。瑤階雨
過綠苔生。歌臺索莫花千樹。舞榭蒼涼月半櫺。
繡閣秋陰連瑣闥。銅仙清淚落金莖。高梧隕翠
蓮飄玉。太乙鈎陳看不足。百子樓寒霧影昏。長
生殿古煙光綠。宮墻瓦落見蓬蒿。輦路塵生走
麋鹿。舞馬雕牀惱夢思。花奴羯鼓驚心目。故宅

新人作宴遊。內家紅錦別纏頭。珠簾綉柱俄成
夢。鳳管龍笙總是愁。舊曲聞來。看自歛。盛年說
着口應羞。飛蓬短鬢難禁白。老屋疎茅不柰秋。
舞衫長。借鄰人。着。同伴相呼。只推卻。臉玉香隨。
翠靨消。淚珠暗逐。燈花落。憂來倒插黃金鳳。夢
裏時。彈白翎雀。百感中來。不自由。芳心一片從
誰托。唐姬言語。一何長。句句淒其。字字傷滿座。
聞之聲啣啣。沾巾我亦爲浪浪。滄桑轉瞬。誰能
識。富貴浮雲。安可常。覽鏡每聞悲素髮。舉杯長

欲勸流光。唐姬亦莫懷抱惡。自古佳人。多命薄。
傾城西子。逐鴟夷。絕代明妃嫁沙漠。尊前有酒
且歡笑。身外閒愁。付冥漠。皎月秋來。幾度圓穠。
花春盡。從渠落。唐姬攬涕。復陳情。請作驪山老
妓行。桃李風前。霜月下。長吟詎足。慰平生。未因
水上琵琶語。那識江州司馬名。爲爾臨風歌一
曲。百年哀怨起秦箏。

題高彬白雲山房手卷

高彬昔年喜學武。七尺長驅力如虎。往昔追強

歷代詩選 明倫彙編
過營門日來從戎事藩府錦袍白馬金連錢騎
將校獵城南邊鼻頭火發不知焚耳後風生猶
着鞭秦楚山川歲華改萬人零落惟彬在腰間
不挿黃金符卻向詞林學文彩白雲遠在藩府
陰馳驅走馬恣幽尋秦臺古樹挂秋色堯澗水
泉清客心娛遊日夕歡不足更傍山腰結茆屋
多種琅玕引鳳凰大開門徑邀麋鹿雨龍歸洞
白雲閑鬢鬢編聯窻戶間月映餘輝長不夜雲
拖曉靄似巫山山中白雲如白石旦暮與雲同

柁席雲來萬樹似開花雲去千巖同一色何年
作客帝皇州卻按新圖憶舊遊紅樹不知淮水
晚白雲遙認故山秋故山白雲長自好且莫看
雲被山惱他年謝病解朝衣我亦從君拾瑤草

戲贈端孝思

君不見長安遊俠兒銀鞍白馬青春時朝出呼
盧夜飲酒美人娟娟照窻牖若爲君作梅花仙
不隨桃李爭春妍獨夜可憐邀月飲一春長是
背花眠

次武昌

大風吹船如馬走。船頭水聲作牛吼。挂帆初發
岳陽磯。轉枕俄灣武昌口。武昌城頭黃鶴樓。飛
簷遠映鸚鵡洲。漢陽樹白煙景濕。行人如鷗沙
際立。江南風土寒氣遲。居人九月着絺衣。酒旗
臨江開竹屋。當壚小姬能楚曲。蜻蜓船尾旋回
風。今夕停船酒家宿。

題蘇名遠畫竹圖

蘇郎寫竹如寫帖。珊瑚爲枝篆籀葉。寒稍不及
三尺長。遠勢直與青冥接。青冥不辨西與東。雲
光竹色俱空濛。飛廉排山振鸞鷲。霹靂迸火驚
蛟龍。竒搜寧獨竹色老。竹傍有石仍更好。想其
落筆當酒酣。人間屏幃愁絕倒。近時吳興趙子
昂。最能寫竹窮青蒼。蘇郎晚出繼芳躅。湖海二
妙相輝光。十年不到瀟湘浦。環珮空懷玉簫女。
相期共泛書畫船。濃墨淒迷掃煙雨。

雨中寄友

客有還家夢。空山雨正來。寒生衣袖薄。風撼樹

雲開掩戶坐終日。思君重幾迴。琴邊有逸興。能復醉深杯。

山中寫懷

野館愁俱寂。空林日未斜。看雲偏憶母。爲客久辭家。獨自嗟萍梗。非關戀物華。晚來山雨裏。猶見杜鵑飛。

光孝寺

雨葉菩提寺。天花簷蔔林。塵機方外息。幽趣靜中深。野色連香積。秋聲雜梵音。隨緣僧供裏。予

亦長禪心

鬲王道原

鳳池鴛鴦侶。幾載此南遷。柳色迎征棹。花香憶盛年。訟庭栽白蠟。官步到紅船。我亦金門客。逢君思黯然。

過東阿懷雪蓬

故人今不見。孤客債誰憐。事業清時困。名聲舊邑傳。紫髯風獵獵。烏帽月娟娟。倘遂幽園約。河橋共晚年。

荔灣漁隱

家住半塘曲。沿迴復幾灣。門前荔酒熟。屋後釣
舟閒。杳邈熊羆兆。空濛虎豹關。如何三里外。便
是五湖間。

翠筠軒爲源上座題

篁竹本脩脩。僧房分外幽。祇園栽未合。因地養
初稠。苦節頭陀行。虛心般若舟。禪餘金粉落。定
起籜心抽。渭菜慈雲護。湘枝法雨流。斜穿瘞鴈
塔。高掛講經樓。色映菩提靜。陰連蒼葛浮。護泥

澆記日。山偈刻支秋。掛袖踈螢度。煎茶病鶴愁。
風旛搖瑣碎。月磬和蕭颼。玉版誰叅得。憑師問
石頭。

南山雜咏

湘潭千頃碧波明。坐見南山秀色傾。山雨欲來
雲氣重。江鷗飛去釣船輕。詩成多是琴邊興。老
去應憐物外情。閑與小童敲白石。不知芳草夜
來生。

峽山寺

竹裏維舟陟翠微。閒門臨水欲歎噦。雲生佛殿
飛來處。猿嘯山僧出定時。斷刻尚餘梁日記。古
松猶偃漢朝枝。烟霞二妙應相笑。盛世藏珍負
夙期。

游羅浮

四百峰巒列海圖。飛雲絕頂敞玄都。丹砂五色
時光燿。紫翠中天半有無。觀裏松株皆住鶴。山
中竹葉盡成符。鐵橋歸去尋清賞。爛醉仙人白
玉壺。

瀧峽朝宗拱御臺。藥珠樓閣倚雲開。荔枝花落
山鳩語。蘆橘子生江燕來。黃野故居羊化石。葛
洪丹竈錦爲苔。仙游倘遂凌風約。羽服黃冠亦
快哉。

拜祖墓

芳草萋萋夕照前。獨將春酒酌荒阡。已嗟世事
成千古。纔說清明又一年。滿目江山增舊恨。幾
家榆火起新烟。從來俯仰傷懷抱。不似于今倍
黯然。

重過林氏別業

曾侍先君訪大丘，葛巾投老尚封侯。
青筠簾捲風生席，白紵歌殘月滿舟。
興發共吟鸚鵡賦，酒闌重解鸚鵡裘。
傳家幸有賢孫子，別業新成似舊遊。

陪翰林宋承旨遊鍾山

天上禪關敞薜蘿，每緣休沐得經過。
雲籠梵宇青蓮濕，地接皇居紫氣多。
甘露結花疑木末，醴泉和雨落岩阿。
欲陪謝傅金屏約，未解朝簪柰

爾何

送張典籍訥之官大同經歷

邊陲見說青烽滅，贊畫遙知白羽閑。
夜月葡萄羶帳底，春風筆策柳營間。
賈生長是懷金闕，定遠安能老玉關。
沙漠年年飛羽捷，想隨驃騎凱歌還。

文章堂上論交日，對榻哦詩白晝長。
晴日畫簾窺水映，暖風羅袂散天香。
尋常應制才堪並，四十從戎鬢未蒼。
春半黃河水片解，旌麾幾日望

燉煌

送劉方之入蜀

蛾眉西上穆陵關。猶似簾櫳響珮環。華月高秋
沉楚館。絲雲清曉散巫山。鸞衿寄恨今宵永。錦
字傳情幾日還。惆悵風前花落盡。相思惟有淚
潸潸。

餞宋承旨潛溪先生致仕歸金華

一身先生離禁闥。玉堂清致更無人。金蓮颺彩
初寒夕。燕寢凝香散暮春。著作有官惟故事。論

思此道竟誰陳。青雲志氣慚悲梗。不覺臨岐淚

滿巾

西樵

西樵山勢捲飛龍。萬里扶桑海色通。日麗錦巖
開罨畫。雨餘銀渚漾芙蓉。紫河車蔭仙人掌。白
鶴花明玉女峰。上相朝元鳴玉珮。三城佳氣鬱
龍葱。

乙卯除夕

四十今已過二年。明日又復歲華遷。頭顱種種

見白髮生計落落仍青鞵梅花亂開客愁裏雲
物長迷鄉國邊且可吟詩酌春酒爛熳取醉東
風前

鳳凰臺

綺翻千年去已遙古臺猶見碧岩羌楓林曉露
迷三楚柳陌春風暗六朝在客昔時揮彩筆飛
仙何處捻瓊簫惟餘一道巴江水流向天門作
海潮

送蔡九節還南安

幾年爲客怕逢秋每見春來憶舊遊歸夢夜隨
寒雨急片帆春逐大江流看山有興還堪寫惜
別從來不改愁斗酒殷勤拚一醉相思何處却
登樓

西巖圖

爲巖彥恭題

欲寫滄浪愧不才畫圖今喜見君開峰巒影落
寒潭靜款乃聲從返照來千頃白波龍伯國百
重高興子陵臺聞君早晚趨金闕風雨漁磯長
綠苔

懷白雲山房

家住滄洲洲上山。數椽茆屋亂雲間。天晴疊嶂
開金碧。雨過清泉響珮環。高興別來長寂寞。故
人誰與共躋攀。洞門猿鶴應相問。何事先生久
未還。

別妓

驪駒西上帝皇州。斜抱雲和淚暗流。子夜歌詞
翻白雪。殘春風物似清秋。青鸞信斷陽臺路。翠
被香寒燕子樓。七十二泉縈別恨。濟南煙樹綠

幽幽

江上

江上青楓初着花。客帆和月宿蒹葭。過雲疎雨
數千點。臨水小村三四家。風起漁船依釣石。潮
回歸雁認平沙。秋懷已向南雲盡。又是滄洲閱
歲華。

金山寺

玄洲貝闕爛相輝。夾岸人家對敞扉。四壁波濤
長觸石。孤山花木自成圍。橫江鶴向揚州去。泛

櫓僧從建業歸。遷客憑闌重回首。蓬萊雲氣曉
熹微。

秋風

秋風淅淅吹江亭。汴河之柳猶青青。黃姑東渡
會七夕。白帝西來朝百靈。初開琪樹已云落。遠
別客愁今未醒。欲寫鄉書寄南鴈。故園萬里天
冥冥。

虹縣九日登五女塚

五女峰頭烟樹荒。登臨聊得散徜徉。忽驚重九

今朝是。却憶三千客路長。冷露餘花偏有色。朔
雲疎鴈不成行。寧教醉裏逢佳節。且免醒來望
故鄉。

淮上憶京

去歲茲晨客帝畿。蔣陵西曲鴈飛飛。秋風叢菊
開荒逕。落日浮雲滿翠微。老去吟邊芳物改。別
來天上故人稀。登臨復對青樽酒。醒倚淮山憶
禁闈。

過范增墓

舊識荊州老將名。秋風此日過佳城。羣雄逐鹿
留遺跡。稚子驅羊入廢塋。玉斗有聲松雪落。蒼
精無影石麟橫。可憐牢落祥雲氣。又向芒碭谷
口生。

思家

京華薄宦已沾巾。寥落三年濟水濱。冷雨青燈
吟客夢。東風蓬髮異鄉人。雲濤渺渺滄江暮。榆
枿依依旅邸春。朋舊別來多野興。故園應已賞
芳晨。

南昌鐵柱觀

琳宮石筍露岩峩。云是千年此鎮妖。方外羽衣
能濟世。城中仙鬢亦通潮。蛟龍水底蟠金鎖。鷄
犬雲間聽玉簫。行橐已垂思點石。祈靈壇上此
逍遙。

采石太白墓

冠屨何年墮世塵。先生元是謫仙人。春雲彩筆
驚飛燕。暮雨滄江泣石麟。牢落清名元不歿。衰
遲大雅竟難陳。翛然我亦狂吟客。思殺風流賀

季真

望廬山二首

扁舟夜泊潯陽岸，隱約香爐五老巔。
紅葉天燈飛鳥外，白蓮僧社斷猿邊。
蒼崖影合東林寺，銀漢光連瀑布川。
亦有宗雷違四想，千峰無路訪羣仙。

東林佛閣倚岩峩，蘿逕逶迤傍石橋。
松栢千章連左蠡，芙蓉萬疊倚層霄。
琪花雪影江心見，蓮社天香世外飄。
歸老倘繇仙賞願，藍輿寧待遠

公招

至儲潭廟留題

五老峰微楚路分，顛灘猶禮洞庭君。
行空鐵馬寒嘶霧，帶月蒼龍夜吼雲。
瓊佩倩誰招帝女，桂漿聊復奠靈氛。
清吟寄遠成孤絕，思入滄江白鴈羣。

思家古河

古河煙草暗南天，此去鄉園路幾千。
燕子來時春寂寂，海棠開後雨綿綿。
滄江水遠吟詩社，綠

渚花明戰酒船更憶故人王給事愁來書破薛
濤箋

紅菊

龍山九日宴斜曛萬朵秋香散彩雲醉岸綸巾
對芳物西風應識舊參軍

紅梅

丹青學寫壽陽姿艷杏仙花嫩柳枝猶記醉邀
何水部淮西歌吹舊臺池

墨竹

洞庭春盡水溶溶錦瑟輕寒起臥龍行客欲投
蒼水佩亂雲遮斷九疑峰

誰拈秃筆寫淒迷亂石橫江碧玉低猶記畫船
初泊岸落花時節郭公啼

歲蕤萬玉曉撐風應是清溪野水東更畫接籬
顛倒着嫩涼添我綠陰中

王孫圖

誰拈金彈倚青驄鞍面開元結束同好似華清
二三月綠陰籠伏入離宮

東風馳道直如絃琪樹春陰護馬韉從幸少年
初賜錦數聲啼鳥落花前

宣和樹

上林芳樹靄崇宣淡墨踈翎賦粉牋何似白榆
棲凍雀蕭蕭風雪滿祁連

昭君

玉顏啼淚濕胡沙東望長安不見家月滿穹廬
愁似海強將心事付琵琶

題葡萄

驪龍弄影照高秋萬斛真珠露氣浮還憶玉人
歌舞散紫駝銀甕出涼州

雜畫

曾記東林信杖藜遠公門對石橋西長松月落
猿聲歇贏得青山似虎溪

四皓圖

只合食芝老萬山誰教鶴髮動龍顏蛾眉對酒
歌鴻鵠怨入商林紫翠間

松

歷代詩選 明子仙術
雙松如蓋倚雲長。曾憶匡山問草堂。拂石坐來
龍影濕。半陂春雨荻苓香。

送翰林宋先生致仕歸金華

紅鞵金帶荔枝花。三品詞林內相家。歸去山中
無箇事。瓦瓶春水自煎茶。

寄高彬

條風吹綠滿蟾溪。蠟屐行春日向西。獨木橋邊
烏柏樹。鶻鳩飛上上頭啼。

寄王彥舉

綠楊陰下玉驄嘶。絲落銀瓶帶酒携。夢入南園
聽夜雨。不知身在蔣陵西。

憶得

憶得初年不解愁。藥欄花迳日風流。臨池書罷
黃庭帖。走馬城南覓舊遊。

龍江夜泊

蔣山山頭秋月明。龍江江上暮潮生。行人又是
金陵客。臥聽西風鼓角聲。

過揚州

歷代詩選 日在仙行
垂楊空有折殘枝春盡瓊花作雪飛少日往游
今是夢竹西歌吹舊臺池

下邳

淮南五月叫春鳩花落清河錦浪流偏恨寂寥
鄉思裏淡煙寒月下邳州

呂梁洪

驚濤觸石雪潺潺五月河風尚作寒問訊南來
荆楚客官船幾日到淮安

武城

獨上荒城野日陰絃歌千載憶遺音黃堂皂蓋
成塵土何處春風綠綺琴

姑蘇開元寺

梵宮春盡落花時倦鳥猶啼竹樹枝想見風流
唐太守綠陰亭院坐題詩

次張仲舉韻

江上依稀粟里峰峰前隱約故園松征鴻盡向
南天沒不爲離人寄一封

幽居雜詠

歷代詩選

月系中行卷之十一

廿九

仙衣自種一池荷。采采青黃當綺羅。怪底近來
秋氣早。水禽飛去曉霜多。

紈綺紛紛幾戰場。閒身贏得水雲鄉。扁舟日暮
鳴榔去。付與沙鷗管夕陽。

遠公蓮社久相招。老大無心到石橋。遙想東林
山月出。白猿啼處樹蕭蕭。

野吟詩句出天成。景物如雲眼底生。白石江頭
烏桕樹。夕陽踈冷鶻鳩聲。

鶴背腰纏有幾家。陶潛貧薄太無涯。青鞋布襪

歸來好。却使無錢對菊花。

秋閨思

涼夜蕭蕭處處過。玉樓高起逼天河。西風瘦盡
梧桐葉。添得西窗月影多。

踈櫺鐵馬亂風飄。火冷金鳧百和銷。怪底芙蓉
清漏永。不知何事苦迢迢。

閨怨

都門不去亦何妨。行色匆匆有底忙。欲向碧桃
花樹底。牽回白馬紫遊韁。

寄語多情燕與鶯。莫勞花底弄春聲。千吟萬轉
知何益。空使寒闈夢不成。

晚思沉沉倦倚闌。玉簫聲歇酒闌珊。淡雲還掩
初生月。誰護梨花作夜寒。

誰識沅湘路幾千。夢魂夜夜到君邊。春光不管
愁人恨。故傍楓林叫杜鵑。

薄寒猶可夜藏閨。向晚那堪獨倚樓。是着人衣
添懊惱。海棠枝上月如鉤。

接得封書妾自開。分明說與便歸來。千回枕上

聽春雨。幾度階前掃綠苔。

舊栽楊柳色毵毵。千里潭潭忘寄一緘春。鴈高飛
惟向北。不知遊子在江南。

欲掃鸞牋寫綵雲。惟將心思怨夫君。蜀山花竹
湘潭雨。杜宇春深獨不聞。

洞庭暮雨起春波。翠旆金蕤帝子過。遙想泊舟
明月渚。夜深欹枕聽雲和。

湘江兒女單紵衣。娥皇廟前歌竹枝。春來只會
閑相惱。不管人家有別離。

唐詩選 明孫仙後

五言絕句一首

鼙鼓三聲急，西山日又斜。黃泉無客舍，今夜宿誰家。

明興雜記云：高皇誅藍玉，籍其家，凡有隻字往來，皆得罪。黃因與玉題一畫，故殺之。此詩乃絕命也。上問監殺指揮孫黃，死時何語，指揮以此詩對。上怒云：彼有此好詩，汝乃不復奏而殺之，何也？竟殺指揮。郡邑傳云：皆謂黃死以梅思祖，非藍玉。

豈雜記別有考與

高季迪詩十二卷，凡為樂府五七言近古體，凡百三十七首，余為敘而評之，曰：季迪之詩，尚流而清麗，如秋空飛葉，隨風而落，格之不下，又如碧水芙蓉，不做雕飾，餘外。此詩之風，屬以余之所言，而余之所不。此詩法，皆不。此詩法，皆不。此詩法，皆不。

石倉十二代詩選

明詩卷十一 終

陸氏詩選 明高季迪詩卷十二 一

歷代詩選 天朝系中 行卷之十一
世一 一 然

死時何語指揮以此詩對 上怒云彼有
此好詩汝乃不復奏而殺之何也竟殺
豈辨時限首善與 責死以悔思福非豈

缶鳴集敘

高季廸詩十二卷凡爲樂府五七言近古體九
百三十七首余爲敘而評之曰季廸之詩雋逸
而清麗如秋空飛隼盤旋百折招之不下又如
碧水芙蓉不假雕飾翛然塵外有君子之風焉
以余之所言而余之所不言從可知也然則季
廸之詩集不可傳也歟季廸吳人余嘗論吳中
之詩唐有陸魯望宋有范至能陸魯望之詩寄
興幽遠而其音響則駸駸已迫於晚唐至能之

歷代詩選 明高季迪序
詩措辭溫縟然其格調特宋焉而已耳在勝國
時余適吳則陳子平詩其爲言率實而流麗揆
之陸范吾不知其孰先孰後也吳之詩在元惟
子平而知者蓋鮮今吾於是復得季迪之詩焉
季迪季方壯志氣偉然其所自見殆不止於詩
而其於詩則已能自成家與唐宋以來作者又
不知孰先孰後也嗟乎詩之道微矣世之有志
於斯者莫不鞠明寃曠疲心思於簡牘間而後
爲言乃或有可傳其不可傳者固不可勝數是

不可不謂之難也以詩之難能如此而季迪乃
此自成家追古之作者以爲竝豈非其才之
過人也歟序而傳之世必有因其詩而知其才
者矣季迪名啓季迪字也頃承
詔與余同修元史尋入內府教胄子授翰林國
史編修云

洪武庚戌二月翰林侍講金華王禕序

歷代詩選

明詩卷之十二

吳郡高 啓著

石倉十二代詩選

明詩卷之十二

吳郡高 啓著

金鳴集

大明

後學曹學佺闕

上之回

聖王重行幸六舛法乾旋北巡初避暑東祠已
祈奉羣官從清塵粲若星麗天前揚豹尾竿左
靡魚須旃瀚海通漢月蕭關絕胡煙願奉千齡
樂皇躬長泰然

君子有所思行

歷代詩選

明詩卷之十二

卷十二

定

願作詩選
明高
騁望京輔地。金城千里餘。峩峩松柏陵。靄靄桑
柘墟。明堂表青陽。飛觀切紫虛。況有戚里第。高
樓夾清渠。愛妾舞羅縠。嬖奴鳴珮琚。東園賜秘
器。上林乘副車。玄運有恒旋。盛時無久居。勿嗤
城南巷。寂寞楊雄廬。

長門怨

憎寵一時心。塵生舊屋金。苔滋銷履迹。花遠度
鑿音。暮雀重門迥。秋螢別殿陰。君明猶不察。妬
極是情深。

塞下曲

日落五原塞。蕭條亭堠空。漢家討在虜。籍役滿
山東。去季出飛狐。今季出雲中。得地不足耕。殺
人以爲功。登高望衰草。感嘆意何窮。

羅敷行

陌上三月時。柔桑多綠枝。攜筐行采葉。日暮畏
蠶饑。君來駐車馬。相逢在桑下。謾說同心言。不
是知音者。君貴多輝光。妾賤無紅妝。自信田間
婦。難從天上郎。長安畫樓宇。無限如花女。使君

當早歸莫共羅敷語

王明君

都門塵拂春風面。臨別看花淚如霰。君王惆悵
惜蛾眉。不是前時畫中見。白髮呼韓感漢恩。寧
胡謾號關支尊。毳裘肉食本異俗。不如但嫁巫
山村。黃沙白雪無城關。手冷鴟弦夜彈歇。相隨
萬里到穹廬。只有長門舊時月。

行路難

君不見盤中鯉。斲失風波登俎几。君不見枝上

蜩。纔出糞壤凌雲霄。推移變化詎可測。勿謂明
日同今朝。出乘高車入大馬。半是當季徒步者。
范叔曾逃客。溺餘衛青亦在人。笞下悠悠行路
莫相欺。爲雌爲雄未可知。

怨歌行

妾始克下陳。嬌容常自持。上官三千妓。一一妬
蛾眉。絃急有斷聲。鏡暗無妍姿。遂令開時花。遽
作落後枝。昨夕歌吹歡。今夕蛩語悲。從來班婕
妤。不勝趙昭儀。

蒿里

素驟駕廣柳蕭蕭出城闈玄廬儼象設猶恐死
有神古原閉愁窳荒草不得春一作泉下客長
違室中親昔興每待旦今臥焉知晨歛衣已成
灰含具仍作塵家門諒不遠欲歸竟何因平生
所愛物娛玩由他人哀哉此里中同逝壯老均
聖賢亦豈免聞道庶可珍

少季行

下直平明出禁門千塲縱賭共王孫寶刀不敢

將輸卻明日沙塲欲報恩

長相思

長相思思何長愁如天絲遠悠揚搖風曳日不
可量不能絆去足惟解結離腸關山碧雲看欲
暮空幃坐掩荃蘭香長相思思何長

雙桐生空井

雙生碧玉樹並覆黃金井根通夕潤深葉帶朝
光冷應有感秋人時來鑑愁影

征婦怨

歷代詩選 明高季迪
良人不願封侯印。虎符遠發當番陣。幾夜春閨
惡夢多。竟得將軍軍覆信。身沒猶存舊戰衣。東
家火伴爲收歸。妾生不識邊庭路。尋骨何由到
武威。紙幡剪得招魂去。只向當時送行處。

車遥遥

鷓鴣啼霜海城白。征夫趣裝牛上輓。天生兩轂
轉長途。那得令君不爲客。出門已遠第一程。耳
中鳴鐸漸無聲。房戶寧嗟寂寞守。山川惟念苦
辛行。欲車不行願車覆。還愁損我車中玉。安得

身如路傍草。相隨千里車前綠。

邯鄲才人嫁爲厮養卒婦

妾能擬趙瑟。舊得君王眷。更衣直夜房。侍酒登
春殿。出宮非故顏。里婦猶相羨。叢臺罷往夢。破
屋流螢見。末路多若斯。紛紛貴成賤。

秋江曲送顧使君

秋江月滿秋潮大。江上行人待潮過。別離休說
渡江難。半日順風船穩坐。楚江茫茫葭菼平。使
君來時雉雉鳴。子弟從軍隔江去。幾家猶住夕

陽城水田雖荒飯常足。芡米夜舂二十斛。誰道
繁華不及前。戶無征稅官無獄。渡江渡江君莫
留。江北樂似江南秋。

寒夜吟

月下凍痕生綠井。隔簾霜片飛無影。樹枝風息
轉迎寒。愁人如鳥棲未安。夜短夜長應獨覺。熒
熒殘燭鳴鳴角。

春江行

春江南北疑無畔。綠草綠波連不斷。一女紅妝

出浣紗。恰如鏡裏見桃花。袂衣猶冷過寒食。雲
渡春陰半江黑。浦口風多潮正深。輕舟搖蕩似
人心。鷓鴣暮啼歸路遠。飛絮茫茫楚江苑。

養蠶詞

東家西家罷來往。晴日深窗風雨響。二眠蠶起
食葉多。陌頭桑樹空枝柯。新婦守箔女執筐。頭
髮不梳一月忙。三姑祭後今年好。蒲簇如雲蠶
成早。簷前繰車急作絲。又是夏稅相催時。

採茶詞

歷代詩選 明高季矩
雷過溪山碧雲暖幽叢半吐鎗旗短銀釵女兒
相應歌筐中摘得誰最多歸來清香猶在手高
品先將呈太守竹爐新焙未得嘗籠盛販與湖
南商山家不解種禾黍衣食季季在春雨

擬古

嗟峨雲間樓俯視層城陰綺戶相洞開清飈拂
羅襟上有離居婦哀歌撫弦琴不知中怨誰掩
抑一何深初爲郢中唱再奏邯鄲吟不惜努力
歌寫作絕代音風吹落君耳萬里知愁心曲盡

思寂寥青天日西沉

其二

東井不可飲威弧孰能張虛名竟何用千古同
悲傷與君初結歡金石比中腸恩情忽乖分相
望阻川梁閨門尚難越況彼道路長不如雲中
雁迴飛自隨陽

其三

美人一相見遺我白玉環上有雙雕龍遊戲在
雲間持此感深意佩結無時閒玉以比貞潔環

歷代詩選 明高季雅 以明不絕雲龍永相從誰能使離別

其四

黃鳥鳴春陽流芳滿西園攀條日已暮悵惋不能言禦寒必重裘涉道斯雙轅離居非君子何以解憂煩煩憂日已積佳期日已失思君如蓬萊可望不可卽區區儻見察憔悴甘自畢

寓感三首

蚩蚩此羣氓幾人出其儔誰云抱智慮乃足資勞憂晨秣思遠騁宵披務窮搜懷古復慨今百

念紛自投糝擾得喪間若與方寸仇安知廣成子冥臥崑崙丘無營亦無想八表獨神遊

攬轡登太行遙望落北州峭函正西峙黃河復東流百城無遺堵雲煙莽相繆朝作冠蓋場暮爲狐兔丘昔人爭此地干戈迭相讎當其得意時連陌擁鳴騶百季奄忽盡魂魄空來游曷見采芝叟冥棲無所求

頽陽在川上玄蟬夕鳴悲嫋嫋風起波翻翻葉辭枝曠望天宇內沉寥此何時朱火已盈謝清

商屈其期覽鏡忽自嗟綠髮生素絲萬物有榮
悴造化豈吾私

始發南門晚行道中

歲暮寒亦行征人有常期辭我家鄉樂適彼道
路危酒闌別賓親驅車出郊岐我馬力未痛已
越山與陂回頭望高城落日雲樹滋遭亂旣少
安謀生復多飢途逢往來人孰不爲此馳遠游
亦吾志去矣何勞悲

渡浙江宿西興民家

掛帆無天風到岬日已夕捨舟理輕裝欲問古
鎮驛淅淅灘聲迴莽莽山氣積僕夫夜畏虎告
我勿遠適望林投人家炊黍旋敲石寒眠多虛
警我體若畏席誰云別家遙數日已在客今宵
始驚嘆東西大江隔

夜抵江上候船至曉始行

夜辭西陵館霜谷狼呌歇津卒未具舟天險不
可越漁商雜候渡寒立沙上月蒼煙隱遙汀益
覺潮漲濶開橈散驚鳧海色曙初發矐矐前山

歷代詩選 明高季迪 卷十二
來稍稍後嶺沒中流聞鼓角隔岬見城闕客路
得奇觀臨風悶俱豁

宿湯氏江樓夜起觀潮

舟師夜驚呼隔浦亂燈集潮聲若萬騎怒奪海
門入初來聽猶遠忽過睇無及震搖高山動噴
灑明月濕霜風助翻江蛟龍苦難蟄應知陰陽
氣來往此呼吸登樓覺神壯憑險方迥立何處
望靈旗煙中去波急

雜咏

朝臨高堂上俯仰崇岡下春暉何悠悠清川自
東瀉陽和發卉物時澤均播灑如何及芳晨蕭
條俱空野願言釋拘局登高騁吾馬曠地不見
人憂心何由寫興謝固其常吾將尤誰者

題綠綺軒

幽抱時欲寫帷中有鳴弦一彈落一葉庭樹坐
蕭然寂寂山水夜迢迢河漢天憶聽烏啼起南
軒秋未眠

登景閣夜宴

王孫喜留宴開閣望明河是夕月微暈涼風池
上多棲禽翻暗叢駭魚動圓波清景厭絲竹雅
咏答高歌尊酌願勿間良宵易蹉跎預憂別在
旦車馬層城阿

暮歸

朝出雞始啼暮歸鳥欲棲我身本無役胡爲亦
東西徒步二十季風埃面空驚入門聞隣杵秋
氣凜以淒芙蓉墜廢沼絡緯鳴中閨壯志苦不
遂歌吟夜燈低富貴固有日我志焉能迷笑向

細君道勿爲翁子妻

送蜀山人歸吳興兼簡菁山靜者

南浦無碧草征鴻晨稍飛何當杪秋節臨水送
將歸旣來不能淹君心應好違惻惻袂始判遙
遙帆已微天高桂樹落人在山中稀還尋同袍
者更製薜蘿衣

會宿城西客樓送王太史

君來歡不足君去憂何遽共聽楓橋鐘留連恐
將曙蛩鳴故苑草鳥起高城樹明日獨登樓歸

帆渺何處

出郊抵東屯二首

朝服久已解儼然出澤耀欲狎林野人相歡混
賢愚朝來此水濱高歌步踟躕忽逢一田父舍
耕拜路隅疑我是長官惟我體貌殊我已釋所
有彼我未忘歟
坐久體不適卷書出柴關臨流偶西望正見秦
餘山野淨寒木踈川長暝禽還此中忽有得怡
然散襟顏

鳴山書舍圖爲黃君伯淵賦

伯鸞鬻春地井臼有遺跡之子學幽棲托踪在
林石清風竹林曉片月蘿逕夕遙想一齋空圖
書蒲牀積

春草軒雨中懷王太史

西軒罷琴坐涼思欺白苧颯颯樹聲繁秋風滿
池雨蓮衰少暗馥禽靜多幽語對此闕良儔當
權反傷緒

次徐山人與倪雲林贈答

歷代詩選 明詩卷之二
昔遊紫藤塢。空山鶴鳴秋。相望隱人居。興闌竟
回舟。邇來獲晤賞。玄談劇風流。每欲開南軒。招
我共偃休。天寒鴻雁鳴。芰荷落長洲。豈無一釣
船。訪子溪水頭。終慚文墨牽。只尺成阻修。聽雨
掩閣臥。觀泉上巖游。朝覽贈答篇。詞藻誇兩優。
我本丘壑人。猿鶴肯見留。擬結歲宴期。壺觴展
綢繆。況聆西澗濱。禪宮闕清幽。夜看太湖月。遲
我同登樓。

蘭室爲袁省郎賦

湘臯春水深。澧浦秋風早。如何庭戶間。芳蕪獨
妍好。不有君子心。憔悴同芳草。

題曹氏春江雲舍

遙波靄微雲。禽寒少相語。君家在空澗。欲往迷
洲渚。紛紛樹離霧。稍稍花滴雨。日暮坐相思。江
東渺何許。

蘿徑

幽溪入蘿蔦。幾曲到巖扉。夏鳥頻啼處。陰陰花
墜稀。知當煙暝後。從此荷樵歸。

茶軒

摘芳試新泉。手滌林下器。一榻髮絲傍。輕燵散
遙吹。不用醒吟魂。幽人自無睡。

過立公房

空院閉深竹。幽花發孤妍。春陰鳥語寂。風磬時
泠然。非茲絕塵地。何以寄高禪。

送芭上人東歸

浮雲如飛鳥。相聚安可常。偶來雲巖寺。幾日共
徜徉。我去師亦歸。澗戶欲荒涼。池臥孤塔影。庭

樓雙桂香。重過應未期。悠然山水長。

送王主簿之歸安

我歌柳惲詩。送子南汀發。山城逢社雨。綠樹啼
鶯歇。留連孤艇遲。怡悵雙壺竭。高士尚為薄。休
慚府中謁。無事坐閒廳。彈琴看明月。

角里村

高皇本壯士。提劍定四方。晚為兒女情。悲歌起
彷徨。愛子欲建儲。寵姬方侍側。顧驚四老人。謂
已成羽翼。大臣豈不諫。孰能幹天機。彼翁何為

歷代詩選 明高李知
者足見人心歸始潛避秦君終出安漢嗣世羅
焉能羈舒卷聊自肆我來舟里村如入商顏山
紫芝日已老黃鵠何時還斯人神仙徒千載形
不滅猶想蒼巖中白頭臥松雪

毛公壇

欲觀漢壇符東上縹緲峰葛花墜寒露夕飲清
心胸月出太湖水鶴鳴空澗桐真境久寂寥蒼
苔闕靈蹤嘗聞綠毛叟變化猶神龍世人豈得
見偶許樵夫逢攀陰力易疲探玄志難從歸出

白雲外空聞仙觀鐘

西齋池上芙蓉

池荷已衰颯孤艷仍獨在滄洲遠夢違風露妍
姿改窈窕徒自媚寂寞還誰待此地托根偏非
無美人採

客有不樂者

客有不樂者默坐空堂幽明燈照孤影對酒不
能酬風雨忽夜至單衣颯驚秋葉隕已慄慄蟲
鳴尚悠悠於當屬有念苦願君聲收讀書仰千

歷代詩選 明高孝純
古命駕志九州孰云吾多智有已不解謀冥飛
既難攀苟得亦可羞

天平山

入山旭光迎出山月明送十里松杉風吹醒塵
土夢茲山凡幾到題字徧巖洞陽崖樹冬榮陰
谷泉下凍惟石立誰扶靈草生豈種白雲蒼然
來諸峰欲浮動高鶻有危樓幽禽無俗哢凌蘇
知履滑披嵐覺表重嘗登最上顛遠見湖影空
漁樵出渚孤鳥雀歸村衆還尋老僧居隔竹聽

清誦慟我躋攀勞爲設茶筍供幾季歷憂歡造
物若擲弄迷途遠山林遲暮堪自訟難追謝公
游空發阮生慟身今解組絃明時愧無用閒持
九節筇尋訪事狂縱石屋秋可眠山猿許分共
送張文學之雋李

回川帶綠樹窈窕雙鳴禽江郭去非遠傷離空
滿襟林中古殿靜池上高齋陰應想彈琴士杏
花春雨深

越來溪

溪上山不改，溪邊臺已傾。越兵來處路，流水尚
哀聲。昨日荷花生，今朝菱葉死。亡國不知誰，空
令怨溪水。
南峰寺
樵歸衆山昏，天峰尚餘影。欲投石門宿，更度西
南嶺。遠聞雲間鐘，蘿逕入寺永。懸燈照靜室，一
禮支公影。鳥鳴澗壑幽，泉響窗戶冷。對此問山
僧，何如沃州境。

寒泉

遠絡叢峰間，平流盤石上。月照欲成潭，風吹不
生浪。聲兼寒葉下，色映秋苔漲。野客照羸顏，曾
來倚筇杖。

支遁庵

閒登待月嶺，遠扣樓雲關。石室閉千載，高僧猶
未還。殘燈黃葉下，古座青苔間。不見跏趺影，鶴
鳴空此山。

靈巖寺響屨廊

君王厭絲竹，鳴屨時清耳。獨步六宮春，香塵不

能起那知未旋踵麋鹿游遺址響沉明月中跡
泯荒苔裏

夜飲余左司宅得細字

春會非有期春愁本無際焉知君子堂此夕相
與詣燈銷月窺欄角警霜委砌舞影憐鶴長吟
聲笑蠅細鄰雞易催日共歡休復寐喪亂得幽
歡疇云匪良計

劉凝之騎牛圖

夫子初亦仕弦歌穎之溜園廬忽在念解綬言

歸期方春養孤犢既耕亦以騎春風草茫茫出
游徧山陂田家有美酒輒醉不復疑當昔天聖
間實號休明時豈無理人術終恐塵鞅縻嗟今
屬喪亂懷策競欲施清芬遠莫挹載誦廬山詩

剡原九曲四首

欲知溪流長百轉來越嶠舟行安能極嵐路入
斜照清景不足娛昔人豈辭詔石硯久難磨空
林閉遺廟

山折水蹙旋山開水仍往東陂堰初成秋色瀟

然廣碧蘿花茸茸月映石壁上何時試浴澗一
理煙中舫

密篠覆碕岬石穴黝而深居人負薪歸駐聽風
水音回看蓮花峰靄靄生夕陰不有僧鐘來高
路誰能尋

危梁渡清瀨逶迤入前渚犬鳴樹蒙籠煙景暗
墟聚雨中耕叟歌月下歸人語欲尋仙尉踪淒
涼一茅宇

懷徐七

哀鴻已鳴渚落葉初覆陌故園當授衣却思遠
行客客行已日遠我思日已積東南望歸棹鳥
去煙波夕憂來不成言懷抱空戚戚豈無一尊
酒黃花爲誰摘

獨步登西丘

幽臥意不適出門聊獨行惻惻田野中斜徑多
不平逶迤登遠丘迢遞望高城風交二麥動煙
迥孤花明偶逢植杖翁疑是古耦耕欲問恐相
誚歸來悵中情

柳絮

輕盈易飄泊。思逐春雲亂。已拂武昌門。還縈灞
陵岬。沙頭雀啄墮。水面魚吹散。官樹曉茫茫。哀
歌腸欲斷。

送蕭隱君自句曲經吳歸維揚

適從江東來。復作江北去。來去逐江雲。蕭蕭舊
巾屨。身帶煙蘿雨。初下大茅峰。孤帆拂楚樹。遲
聽廣陵鐘。去家忽來歸。憐君似黃鶴。日暮渺相
思。淮南桂花落。

賦得真娘墓送蟾上人之虎丘

色相終壞滅。佳人能久妍。斷碑山寺裏。小冢竹
林邊。蘭葉春風帶。苔花暮雨鈿。情留吳苑客。夢
逐楚臺仙。高僧方宴坐。身在散花天。

送倪雅

交游結深歡。離別生遠念。聊持毛子檄。暫脫劉
生劔。南風柳下亭。杯動江色灩。山遙馬望驛。日
落蟬鳴店。此去漸成名。驅馳君勿厭。

秋日山中

山澤含霧雨。偶來若居夷。我無遠游志。何與親
愛離。暑退初可喜。秋來轉堪悲。壯顏豈草木。樵
悴同此時。中心與百憂。日暮如有期。悄悄出空
宇。悠悠適荒陂。既窮勿復嘆。天欲昌吾詩。

宿幻住棲雲堂

窗白鳥聲曉。殘鐘渡溪水。此時憂夢迴。獨在空
山裏。松巖留佛燈。葉地響僧履。余心方正寂。無
使羣動起。

曉起春望

今朝有春意。原野晴始綠。踈花未破。煙新禽稍
鳴。旭物情各欣榮。客意胡刺促。居閒厭寂寞。從
仕愁羈束。兩事不可齊。人生苦難足。安得長放
歌。花開酒醅熟。

陳氏秋容軒

西郊莽迢遞。川樹凝煙景。雨過落紅蕖。斜陽半
江冷。蟬鳴山欲暗。雁去天逾永。孤客對蕭條。應
嗟鏡中影。

雨中遣興

歷代詩選 卷十二 三
積雨坐無悶。端然便寂寞。好鳥不頻啼。閒花最
遲落。行園每度徑。望岫時登閣。只此可終朝。何
當有樽酌。
聞鐘
迢迢煙際發。隱隱巖中應。初來覺寺遙。乍歇看
山暝。惆悵未眠人。空齋幾迴聽。

池上晚

春晚思悠悠。閣前池水流。新蒲風葉響。如對野
塘秋。野塘前歲路。已隔歸舟度。鳥下獨回頭。青

山杳然暮

醉歸夜醒聞雨

覺來聞雨聲。燈輝耿殘夜。窗間有危葉。暗助瀟
瀟下。不記醉歸時。寢齋如客舍。

和張羽懷吳興舊游之作效其體

城貫綠川長。朱閣映飛梁。鶯嬌山唱度。蓮豔水
嬉張。花童搦翠管。桑婦挈銀筐。若溪酒脂碧。顧
渚茗旗香。擇勝事未厭。驚亂意俄傷。回看舊游
地。秋草變淒涼。

綠水園宴集

平居寡良會，艱哉況茲時。幸逢金閨英，中筵接
光儀。名園遇修禊，景麗春陽熙。綠芷榮曲沼，朱
華敷廣墀。情宣寄高文，憂襟為之披。觴來不敢
訴，慮此朋歡虧。何由淹返旆，頽光願遲遲。

送程較理游江上

風亭裊離管，草綠江水暮。送此南浦人，孤帆雨
中渡。別傷足自緩，前驛花滿路。春叢戀山鶯，晚
絮迷汀鷺。我今獨愁居，芳月誰與度。佇立望遙

波相思積煙霧

僧齋聞雨

寂寂初罷語，悠悠未成眠。高齋有春雨，夜半落
燈前。已傷花委樹，復臆水盈田。老衲獨無聽，繩
床方坐禪。

見耕者

茲晨有佳興，挈杖行遠墟。春犁稍已出，土脉向
暖舒。嚶嚶鳥轉谷，瀏瀏泉鳴渠。歲功自茲始，為
農亦良劬。而我惰四體，偃息在敝廬。饑匱固當

爾無爲嘆踟躕

雨中書湖上漁家壁

漁舍煙不起，瀟瀟雨初暝。孤客與羣鷗，寒依葦
間聽。山昏望易失，波動愁難定。歸思滿蒼茫，空
憐去帆迥。

至蓮村

昔愛茲里幽，誓將構蓬廬。孰云墜世網，重到十
載餘。喪亂喜獨完，煙火靄舊墟。柴門在深巷，落
日榆柳疎。隣翁念契濶，攜筐饋雙魚。苦問客何

事，顏貌與昔殊。焉知涉艱難，多戚長少娛。貧賤
非所恥，中情在閒居。願翁勿相誚，終當遂吾初。

雨中登白蓮閣望故園

亭亭高閣上，渺渺清川曲。日暮靄靄愁，薜蘅雨
中綠。聞鐘僧已返，荷笠人猶牧。歸棹獨難尋，江
南望雲木。

尋照公

遠尋林下僧，不識林下路。隔雲孤磬響，因到繡
經處。相對竟忘言，夕陽在祇樹。

遊靈巖賦得越來溪

越女游未去，越兵嗟已來。青山舊溪上，無復見樓臺。過客空惆悵，荷花秋自開。

雨中客僧舍

客夢方暫適，竹間風雨驚。起登林端閣，迢遞望層城。景寒川樹疎，野晦原煙平。不邀釋子語，何以緩羈情。

東坡路上阻水

不覺去村遠，瀟瀟柳間步。江雨夜來多，春流稍

侵路。褰裳自可涉，不待漁舟渡。

始聞夏蟬

翾翾纔得蛻，咽咽未成喧。翳葉誰能見，南風綠繞軒。乍驚變節物，還念別郊園。何待當秋聽，方令羈思繁。

將往海上舟行雨投僧舍

沙響聞雨來，中途生旅愁。遙尋晚林磬，暫駐寒塘舟。窗下一僧老，竹間雙鳥幽。誰言阻遠去，翻使得佳遊。

江上晚晴

江虹斷雨脚。返景明虛理。宿鳥亂歸村。幽人獨
臨水。漁舟隔浦飯。烟火蘆中起。間吟望遠岑。緩
步尋芳芷。此夕遇新晴。憂懷偶然喜。

冒雨暮歸過白沙湖

天寒蒲湖雨。獨棹東歸急。遙望水邊村。蕭條暮
煙濕。家人應候我。深映柴扃立。

送袁憲史由湖廣調福建

只謂遠游苦。寧知遠游樂。君今萬里歸。顏色殊

不惡。自言楚帆開。初別鳳凰臺。采石月下過。匡

廬天際來。試沽彭澤酒。懽醉陶家桺。最愛小姑

妍。臨行復回首。遠逐纈衣游。閒登黃鶴樓。千峰

漢陽晚。一雁洞庭秋。西上荆門渚。銀釵見巴女。

歌斷竹枝詞。江陵夜風雨。看盡幾多山。今朝始

得還。秋風吹驛騎。又欲度閩關。閩關聞更好。瘴

霧晨收早。椰子美如漿。蘭花多似草。嗟余戀故

鄉。不肯涉津梁。把酒看君去。相思空斷腸。

曉臥丁較書軒

窗月澹欲失，矐矐逼初曙。屋外鳥聲多，應知有
嘉樹。殘香掩幽寢，未事澄紛慮。頗似宿東巖，僧
齋竹深處。
水上盥手
盥手愛春水，水香手應綠。紆紆細浪起，杳杳游
魚伏。怊悵坐沙邊，流水去難掬。

秋日端居

秋意日蕭索，郊園霜露餘。出游無山水，聊復守
吾廬。巷轍久已斷，山瓢仍屢虛。非其寂寞者，誰

樂此閒居

晚步游褚家竹亭

落日猶半野，閒來潭上游。非因戀幽賞，聊欲散
煩憂。澄波魚噉夕，荒竹鳥吟秋。不是愚溪上，胡
爲吾久留。

早發土橋

空山遠無驛，逆旅聊可宿。懷征候鳴雞，燃帶續
我燭。僕夫昨行苦，爛熳睡正熟。呼之愧怱怱，推
車出茅屋。高巖尚懸斗，深谷未升旭。欲亟去仍

遲惟石暗崩觸思當在家樂日晏始舒足胡爲
此行邁霜露勞局促王事靡敢辭非關狗微祿

寓天界寺雨中登西關

片雲出鐘山陰滿江東曉幽人閣上寒風雨啼
鷺少紅塵禁陌淨綠樹層城繞不爲怨春徂離
懷自憂悄

送陳四秀才還吳

君是故鄉人同作他鄉住同來不同返惆悵臨
分處手把長干花回望長洲樹恐起憶家心愁

題送君句

送周四孝廉後酒醒夜聞雁聲

別時酒忽醒客去惟空舍風雪雁聲來寒生石
城夜遙憶渡江船正泊楓林下

洪武二年八月十三日元史成中書表進

詔賜纂修之士一十八人銀幣且引對

上獎諭擢授庶職老病者則賜歸于鄉閱二

日中秋諸君以史事甫成而佳節適至又
樂寵賜之優渥而惜同局之將違也乃卽

歷代詩選 明高本知
所寓天界佛寺之中庭致酒爲翫月之賞
分韻賦詩以紀其事啓得衢字云
聖主念前鑒述作徵名儒羣來高館間廁跡愧
我愚孰謂此責輕毫端有褒誅書成進丹陛名
對共拜趨去留雖不同雨露均沾濡已淹三時
勞可廢一夕娛況逢端正月當空照眉鬚流光
滿金境界與人間殊廣庭布長筵嘉肴薦芳腴
豈惟多士集亦有名僧俱興酣貴形忘諧笑不
復拘觴行豈辭數仰看轉斗樞明晨卽分袂此

樂誠須臾

答定水寺芭公

日晏初出院閒齋一蕭然忽在名僧書始知在
清泉憶昔雲巖居共締林中緣夏陰繞澗吟秋
霽開閣眠睽合苦難常別來歲頻遷趣同貴道
在跡異慙名牽明日出東海想照空山禪無因
荷衣襍往禮高峰前

過白鶴溪

昨發白鷺洲今過白鶴溪溪流幾廻轉只在晉

歷代詩選 明高季純 卷十二
陵西月出女猶浣雲深猿自啼茅峰雖只尺無
計躡丹梯

至吳松江

江淨涵素空高帆漾天風澄波三百里歸興與
無窮心期弄明月迢遞辭金闕晚色海霞銷秋
芳渚蓮歇久別釣魚磯今朝始拂衣忘機舊鷗
鳥相見莫驚飛

始歸田園

辭秩還故里永言遂遐心豈欲事高蹇居崇自
難任清晨問田廬荒溪尚能尋秋蟲語左右翳
翳桑麻深別來幾何時舊竹已成林父老喜我
歸攜榼來共斟問知天子聖歡然散顏襟相期
畢租稅歲暮同謳吟

答張院長雨中見懷

林園寢扉掩閒坐道心生山藥翻寒色塘漪含
曉清乍違枉芳札遠憶愧深情此日知同寂梧
窗聽雨聲

施澤阻風

客行阻風濤捨舟步江側芳村經戰餘草木盡
 愁色夜投土屋中月出林半黑燃薪燎我衣炊
 黍作我食夜長關塞寒歸夢何由得遙想倚閭
 親中宵淚橫臆

谷梁氏曰其雨中長對

林林風林林風林林風



同賦天子聖慈然猶恐

與吟和書於上九

石倉十二

詩選

明詩卷之十二終

